

post eum Robertus *Cockeran* è Latonio ad hanc dignitatem evectus à Iacobo Tertio, mox à proceribus suspensus. Iam inde in usu non erat donec Maria Regina Iacobum fratrem nothum hoc honore exornavit, nec adeo multo post, cum *Marria* Comitissæ titulum veteri jure ad Ioannem Dominum *Ereskin* spectare deprehensum esset, pro *Marria*, *Moraviam* illi in honorarium titulum contulit, & Ioannem *Ereskin* virum antiquæ nobilitatis *Marria* Comitem creavit, cuius filius eodem prænomine eodem jam honore latatur, in utroque regno Regi à consiliis: [nunc nepos eodem prænomine & honoribus gaudet.]

B V C H A N I A,

five

B U Q U H A N.

VBi nunc *Buquhan*, Latine *Boghania* & *Buchania* supra *Donum* fl. in mare prominet, *TAIZALI* olim sedes habuerunt. Hoc recentius nomen à bobus sunt qui deducunt, cum tamen ovibus pascendis terra sit aptior, quarum lana inprimis laudata. Quamvis fluvii hac in ora passim Salmonibus sint fecundi, *Ratram* tamen fl. nunquam ingrediuntur, ut prodidit *Buchananus*; Qui etiam prodidit, in *Ratra* ripa esse speluncam prope *Slamps* castrum, cuius natura prætereunda non videtur. Aqua è naturali fonte guttatim destillans statim in lapidum pyramidas vertitur, ac nisi opera hominum antrum subinde purgaretur, spatium usque ad fornem brevi completeretur. Lapis autem qui ita gignitur, velut mediam naturam inter glaciem & saxum obtinet: est enim friabilis, neque ad marmoris duritiem unquam consolidescit.

Ingens etiam massa Electri, quæ vel equi corpus magnitudine æquavit, haud multis abhinc annis in hoc litus ejecta. Succinum, Glessum, & Chrysoelectrum hoc docti vocant, & Sotacus succum esse, qui ex arboribus in mare apud Britannos defluit, & durefcit, existimavit; Tacitusque juxta sensit, dum scripsit, Fecundiora nemora lucosque sicut Orientis secretis ubi thura balsamæque sudantur, ita Occidentis Insulis terrisque inesse crediderim: quæ vicini Solis radiis expressa atque liquentia in proximum mare labuntur, & vi tempestatum in adversa littora exundant. Serapio autem & recentioris ævi Philosophi volunt exoriri è terra bituminosa sub mari, & juxta mare, ipsumque fluctus & tempestatem ejicere, partim pilces devorare. Sed quo ego aberravi: in viam redibo, & aberranti veniam impetret confessio.

Regnante Alexandro Secundo Alexander *Cominius* honore Comitissæ *Boghania* effloruit, qui *Rogeri de Quincy* Comitissæ *Wintonia* in Anglia filiam & unam hæredum duxit, ejusque è filio neptis eundem titulum *Henrico de Bello-monte* marito attulit. Ille enim regnante *Edwar-*

Scotia.

do Tertio in Parlamentariis Angliæ Comitissæ locum habuit nomine Comitissæ *Boghania*. Postea *Alexander Stewart* filius Regis *Roberti Secundi* fuit hujus loci Comes, cui successit *Ioannes* filius *Roberti Ducis Albanie* natu minor, qui à *Carolo Septimo Galliarum Rege* cum septem millibus auxiliarium Scotorum in Galliam evocatus, egregiam operam contra Anglos præstitit, tantaque cum laude meruit, cæso *Thoma Duce Clarentiæ* fratre *Henrici Quinti* Regis Angliæ apud *Baugium*, & magna si unquam alias de Anglis reportata victoria, ut Gallia Constabilis fuerit constitutus. Sed tertio post anno ille cum fortissimis viris *Archebaldo Douglas* Comite *Wigtoniæ* & *Duce Turonum*, &c. alternante belli acie ad *Vernolium* ab Anglis devictus occubuit. Quos tamen ut inquit ille,

— æternum memorabit Gallia cives
Grata suos, titulos quæ dedit & tumulos.

Scotorum
fortitudo in
bellis Galli-
cis.

Certe quod sub *Carolo Sexto* & *Septimo* Gallia fuit conservata, & *Aquitania* recepta Anglis exturbatis, plurimum Scotorum fidei & fortitudini se debere Galli non possunt non agnoscere. Comitatum autem *Buchania* deinde *Iacobus Primus* commiseratione permotus *Georgio de Dunbar*, quem *Marchia* Comitatu prius ob crimen paternum autoritate Parlamentaria exuerat, donavit: nec multo post *Iacobus* filius *Iacobi Stewart de Lorna*, qui cognomine *Eques Niger*, è *Ioanna Somersetta* hunc honorem consequutus reliquit posteris, & deficientibus jampridem masculis per filiam ad *Douglasium* juniorem de *Lochlevin* devenit. [Filia ADDIT. hereditaria illius Comitatus data fuit in matrimonium filio *Ioannis Ereskini* Comitissæ de *Mar* ex secunda uxore nato, ex quo matrimonio prognatus præfens Comes de *Buquhan*.]

A Buchania litore reflexo, & ad Septentriones obverso *Boena* est, & exigua præfectura *Boena* *Bamff*, nec non *Ajuza* minoris notæ territorium castrumque *Rothamay* Baronum de *Salton*, quibus cognomen *Abernerthy*, habitatio. [Rothamay Baronia vendita *Ioanni Gordon* de *Carnborrou*, qui eam hodie possidet; filius ejus major natu, dum comitaretur Dominum de *Aboyn* in turri de *Frendraght*, noctu pulvere sulphureo periit cum tribus aliis: historiam hanc elegantissimis versibus descripsit *Arturus Ionstons*, quos hoc loco inferere operæ pretium putavi.

De *Ioanne Gordonio*, Vicecomite de *Melgein*, & *Ioanne Gordonio* de *Rothimay*, in arce *Frendriaca* combustis.

VOs supremi ignes, extremaque lumina mundi,
Infernesque faces, & ponto nescia mergi
Sidera, mutata monumenta perennia formæ,
Magna, minorque fera, custosque *Erymanthidos Vrsæ*,
Quisque *Lycæonias* circum *Draco* pervigil *Arctos*
Adspicis, *Herculeis* olim confixæ sagittis,

S f

Astra-

Ratra fl.

Aqua admiranda.

Ambræ sive Electrum.

De moribus Germanorum.

Comites Boghania.

Boena.

Barones Salton.

ADDIT.